



# Meeqqat Ikiortigit

Red Barnet Grønland

## **Immineq kajumissutsiminik ikiuilluartoq akimasuumik nersornaaserneqartoq**

**Ippassaq Meeqqat Ikiortigit/Red Barnet Grønlandip Immineq kajumissutsiminik suleqataasumut ukiumoortumik nersornaasiissutigisartakkani, immineq kajumissutsiminik patajaalluni tunniusimalluarlunilu suleqataasumut nersorinnissutitut tunniuppa. Ukioq mannalun tunineqarpoq Rebekka Olsvig, qasusuilluni ukiuni kungullerni 13-ini meeqqanik angajoqqaanillu ikorfartorneqarnissamik pisariaqartitsisunik sulinermigut sunniuteqarluarsimasoq.**

Rebekka Olsvig inuuvoq allannguajaatsoq tunniusimasorlu. Rebekka Olsvig ukiuni amerlasuuni Nuummi peqatigiiffimmi aningaaserisuusimavoq ikiorniakkanullu meeqqanut ilaqutaasunullu ingerlatassanik amerlasuunik pilersarusiortuusarsimalluni. Ingerlanneqartullu amerlaqisut peqataaffigisarsimavai, ingammik silami assoroornalaartumik ingerlanneqartartut, uummataalu inuiaqatigiinni inunnt sanngiinerusunut tillertuuvoq.

Nersornaasiissullu Meeqqat Ikiortigit iluani ukiorpassuarni suleqataasimanermut qujaniutitut, uummammut kissalaartumut maanna tunniunneqarpoq.

Nersornaaserneqartumut oqalugiarnermi siulersuisuunerni siulittaasup, Jonna Ketwap erseqqissarpaa immineq kajumissutsiminnik ikiuisartut peqatigiiffimmut qanoq pingaaruteqartigisut.” Suliniaqatigiiffittut immineq kajumissuseq tunngavigalugu sulisumut, aningaasaateqartuugaluarutta avataanieersunut suliasat suliasannngortissinnaallugit, taava arlaannik pingaaruteqarluinnartumik amigaateqartoqalissagaluarpoq – tassalu qiimanermik misigissuseqarnermillu,” Jonna Ketwa oqarpoq.

Rebekka Olsvigilu qutsavigivaa nukissaqartuartarmat meeqqat pakkullugillu qungujuffiginissaannut: ”Illimmi Rebekka, meeqqat inuuneranni nalilinnik isumaqarluartunillu tunniussaqaqfiguarterpatit. Qujanaq!”

Rebekka Olsvigilu killitsisimaarluni nersornaammut qujavaoq oqarlunilu, Quassannguup majuarnera ilaatigut takillunilu qasunarsinnaasaraluartoq, meeqqanik tasioraangami nuannersunngortuartertoq, qaqillunimi meeqqat nuannaarlutillu tanngassimaarnerat naliligassaaneq ajormat, taamaattumillu Nummi meeqqanut aaqqissuussinerit nuannerunnaassanatik.

### **Immineq kajumissutsiminnik suleqataasunik persuarsutiginneq**

Meeqqat Ikiortigit / Red Barnet Grønland ukiut tamaasa immineq kajumissutsiminnik suleqataasunut nersorinnissummik tunniussaqaqartarpoq nersorumallugu ukioq naallugu inoqatinik nammineq kajumissutsimik sullissisarnerat pingaruteqaqalunilu naleqaqisumik tunniussinerusarmat.

Malunnartitsiniarnermilu nerisitsisoqarlunilu tupaallannartumik pisoqartitsisoqartarpoq. Ukioq mannalun Nunatta Isiginnaartitsarsarfianeersut marluk qilaatersorlutik inngertut, peqataasnik alutorsartitsilluarput.

Ukioq mannalun aammaartumik nersornaatitut tunniunneqartoq igalaaminermik kusarnartuliaavoq, tunniussisuulluni Dooit Design.